

# Dienelkander



## Nuusbrief van die Gereformeerde Kerk Potchefstroom-Oos

22 Januarie 2017

**OGGENDDIENS:** Ds. Piet

**Skriflesing:** Johannes 1: 1 - 18

**Teksvers:** Johannes 1: 14

**Tema:** Laat skyn die heerlikheid van God in jou lewe met genade (liefde) EN waarheid!

In God se heerlikheid staan genade en waarheid nie in spanning met mekaar nie! God is 'n God van oorvloedige liefde maar terselfdertyd ook 'n God van waarheid wat regverdigoordeel. Ons as mense sukkel egter hiermee omdat ons vanweë die sonde 'n gebroke lewe het. Ons is geneig om een van die twee te kies: of net liefde of net waarheid! Dit voel vir ons soos twee spore van 'n spoorlyn wat net nooit bymekaar kan kom nie! Een voorbeeld: hoe kan God genade aan sommige bewys en ander vir ewig hel toe stuur?

Dit blyk selfs as gevolg van ons persoonlikhede so te wees dat sommige mense geneig is om als in liefde te vergewe en vergeet terwyl ander onwrikbaar staan op die waarheid van 'n saak en dat reg moet geskied. Selfs kerke kies tussen dié twee: in sommige kerke word om liefdeswil alles verduur terwyl in ander kerke die waarheid onwrikbaar afgedwing word.

Wanneer ons egter kies vir een van die twee en die ander een nalaat, is ons nie meer met God besig nie - dan skep ons vir onsself 'n eie god. Christus het huis kom toon dat God vol van genade EN waarheid is.

In Christus het God vir ons die twee lyne saamgebring en in Hom kom daar versoening in die oënskynlike spanning tussen genade en waarheid. Die wonder is dat Hy dit as sy wese aan ons oorgedra het en dat ons ook die heerlikheid van God kan laat skyn deur met genade EN waarheid te leef!

**Lofsang ter voorbereiding van die erediens**  
Sb 1-3: 1, 2, 3 (Mel: Ps 128) en Lied 167: 1, 2

**Ontmoetingsdiens**

Intreelied Lied 155: 1, 2, 3; Votum; Seën;  
Loflied Sb 2-4: 1, 3; Geloofsbelijdenis:  
NGB artikel 20

**Verootmoedigingsdiens**

Wet uit Psalm 15; Sing Ps 86-1: 6, 8; Gebed

**Woorddiens**

Skriflesing; Sing Sb 4-8: 1, 2 (Mel: eerste mel);  
Woordverkondiging

**Antwoorddiens**

Bevestiging van ouderlinge en diakens;  
Sing Ps 134-2: 2; Liefdegawes; Gebed vir  
Bediening na Buite (Suid-Sudan); Sing  
Sb 3-2: 1, 2, 5, 6 (Mel: Sb 18-6); Seën;  
Amenlied Sb13-2.

**AANDDIENS:** Ds. Karel

**Skrifgedeelte:** Psalm 77

**Teks:** Psalm 77:12

**Tema:** Kyk terug en sien die groot God se dade en leef getroos in jou omstandighede.

Verlede Sondagoggend het ons saam daaroor gedink dat ons terug, op en vorentoe moet kyk as ons 2017 tot eer van die Here wil ingaan. Maar wat presies beteken dit om terug, op en vorentoe te kyk? Kom ons vind saam uit oor die volgende paar weke.

Vanoggend gaan ons dan stil staan by wat dit beteken om terug te kyk en hoe ons terug moet kyk. Daar is `n massiewe verskil tussen hoe ons dikwels geleer word om terug te kyk en hoe die Here ons vra om terug, na ons verlede, te kyk. Dan is daar ook twee maniere om terug te kyk: deur gebed en deur om na die groot dade van die Here te kyk.

Dit is egter deurdat ons terug kyk en die groot dade van die Here in die verlede raaksien, en sien hoe Jesus Christus en die Heilige Gees dit vir my `n realiteit maak, wat ek werklik getroos kan lewe in die moeilike tye wat in 2017 vir my gaan wag.

### Lofprysing

Ps 4:1: 2, 4 en Ps 143:2: 2, 3 (Melodie van Ps 130)

### Ontmoetingsdiens

Intreelied Lied 207:1, 2; Seën; Lofsang  
Ps 145:1: 1, 3, 5, 11, 12; Gebed

### Woorddiens

Skriflesing; Sing Ps. 77:2: 2, 4;  
Woordverkondiging

### Antwoorddiens

Gebed; Getuienis; Liefdegawes; Sing  
Lied 188: 1, 2, 3; Seën; Amenlied Sb 13-3.

### MEELEWING

- Elsa Coetzee (Groep 4 - 084 5009 634) ondergaan op Maandag, 30 Januarie `n oogoperasie in Mooimed.
- Corrie (Eva) du Plessis (Groep 37 - 072 909 0715) ondergaan ook Maandag, 30 Januarie `n skouervervanging.

**Ons bid dat die Here spoedig beterskap, herstel en troos sal gee.**

### ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Marianne Kruger, Bettie Ras, Janet vd Walt, Hester Buys, Anna Scholtz, brs. Isak vd Walt, Tjaart Snyman, Andy en Blossom Pretorius.

### ONDERSTEUNING VIR SIEKES

Vir ondersteuning of besoek deur die hospitaalbesoek-diensgroep, skakel hierdie week vir: [siektes@oosdoppers.co.za](mailto:siektes@oosdoppers.co.za) of Marian de Kock (082 950 4358)

### ONS VERWELKOM TERUG

- Thomas van den Berg wat met attestaat van Rustenburg-Wes by ons aansluit. Hy woon in Ben Pienaarstr. 32, groep 26.

### AFKONDIGINGS

#### Vandag

09:00 Gebedsgroep  
09:30 Oggenddiens  
Katkisasie: Les 1  
Kleuterbediening  
Tee en Koffie  
18:00 Aanddiens

#### Maandag

17:15 Finans: Tel  
18:00 Sustersaamtrek-vergadering  
18:30 Bedienings DG

#### Dinsdag

06:00 Manne Ondersteuningsgroep  
18:00 Sustersbestuur

#### Woensdag

16:30 Katkisasie gr 10  
17:15 Katkisasie gr 11  
18:00 Katkisasie gr 9  
19:00 Bybelstudie: Klipdrif

### KATEGETE EN LOKALE VIR 2017

- Gr 1 Wilmarie vd Merwe (regs voor die preekstoel)  
Gr 2 Sonja Olivier (links voor die preekstoel)  
Gr 3 Antoinette Coetzee (klas no. 3 langs die kerkkantoor)

Gr 4 Anrie vd Schyff (klas no. 2)  
 Gr 5 Zanè Labuschagne (klein moederskamer)  
 Gr 6 Annari Schutte (konsistorie)  
 Gr 7 Pieter Geyer (groot moederskamer)  
 Gr 9 Hendrik Naudè (agterste saal)  
 Gr 10 Sarita du Preez (klas no. 1)  
 Gr 11 Huib v Hamburg (Elim)

#### Predikante katkisasie op Woensdae:

Gr 9 - Ds Karel  
 Gr 10 en 11 - Ds Piet

Baie dankie aan elke kategeet dat julle, julle gawes en tyd opoffer aan die Here vir hierdie belangrike dienswerk! Ons as die ouers waardeer julle moeite ontsettend baie. Wees ook verseker van ons voorbidding vir hierdie grootse taak wat julle het.

#### **VERJAARSDAE**

Baie geluk aan almal wat DV hierdie week verjaar!

#### **Maandag, 23 Januarie**

Br Flip de Bruyn	082 890 1167
Sr Zanè Labuschagne	079 373 3251
Jsr Amia vd Walt	
Jbr Nicolaas vd Walt	

#### **Dinsdag, 24 Januarie**

Sr Hester Lombard	084 582 9422
Sr Joey Lubbe	083 232 9376
Jbr Andrigh Nortjè	
Jsr Larnè v As	

#### **Woensdag, 25 Januarie**

Jbr Ryno Schutte	082 373 1519
------------------	--------------

#### **Donderdag, 26 Januarie**

Jsr Lula Botha	
Br Frikkie Labuschagne	076 134 7785
Jbr Christian Turkstra	018 290 5566
Br Isak vd Walt (88)	082 703 1874

#### **Vrydag, 27 Januarie**

Jbr Roelf de Bruyn	
Sr Tanja de Vos	083 293 2928
Sr Mia v Jaarsveld	081 212 4411

#### **Saterdag, 28 Januarie**

Br Louis Botha	082 395 3744
Jsr Anila Nortjè	

#### **ANDER AFKONDIGINGS**

- Liefdegawe vanoggend vir Barmhartigheid
- Gawe by die deure vanoggend vir GKSA: Sustentasie.
- Gawes volgende Sondag vir Bedieningshulp.
- Vrywillige bydrae vir voertuigsekuriteit in die bussies by die deure.
- Diensbeurte: Groep 13 en 14.

#### **DIAKONIE: KOSKAS**

Ons wil u graag herinner dat ons koskas afhanglik is van skenkings van nie-bederfbare voedsel (blikkies-kos, koffie, tee, pasta, rys, mieliemeel, konfyt, oats, langlewe melk, ens.) om dit vir ons moontlik te maak om gesinne weekliks met kospakkies te help.

#### **DIAKONIE**

#### **BARMHARTIGHEIDSBLIKKIE/HOUER BY KLEINGROEPBYEENKOMSTE**

Ons versoek kleingroepe wat gereeld vergader, om te oorweeg om 'n blikkie vir Diakonale barmhartigheid by elke groepbyeenkoms neer te sit waar gesinne bydraes vir barmhartigheid kan plaas. Maak iemand in die groep verantwoordelik om die blikkie/houer een keer per maand by die Kerkkantoor af te dra. Daar is reeds kleingroepe wat goedere vir die Diakonie se koskas bymekaar maak en wat daar mee kan voortgaan. (di Piet en Karel)

#### **KENELKANDER 2017**

#### **(gemeente-inligtingboekie)**

Ons sal binnekort weer die Kenelkander vir 2017 druk waarin al die inligting van lidmate en inligting aangaande ons bedieninge verskyn. Ons vra dat jy asb jou persoonlike inligting (woonadres, selpnommers, huistelefoonnummers, ens) wat in die laaste tyd verander het, deurgee aan die kerkkantoor.

Ons het ook borge nodig om die drukkoste so laag as moontlik te hou. Kontak asb vir Adele

indien jy belangstel om te adverteer. Ons borge se advertensies word in die boekies geplaas.

Laastens versoek ons dat lidmate wat 'n Kenelkander wil hê, asb name op die lys in die voorportaal van die Skuur sal skryf. Net lidmate wat bestel, kry 'n harde kopie. Die inligting is ook elektronies beskikbaar.

### JONG WERKENDES BYBELSTUDIE

Ons het 'n behoefte om 'n Bybelstudiegroep vir die jong werkendes (getroud en enkellopend) in ons gemeente te begin. As dit ook jou behoefte is om saam met jou portuurgroep dieper in die Here se woord te delf en om gesellig as vriende te kuier kontak Anelle Venter by 0765217696.

### KLANK- EN BEELDSPAN

Ons benodig dringend lidmate wat kan help by die klank- en beeldspan op Sondae tydens die eredienste. Kontak Eddie Coetsee by: 072 567 8932.



### PROJEKTE

#### GHOLFDAG - VRYDAG 17 FEBRUARIE

Oor 4 weke bied ons weer ons jaarlikse gholfdag aan!

Ons nooi lidmate om asb 4-balle of putjieborge in te skryf.

Ons rig 'n uitnodiging aan lidmate wat vakansiehuise of deeltitels het om as 'n borg op te tree en jou verblyf vir 'n week/naweek te skenk.

Baie dankie vir u ondersteuning. Vir enige navrae, kontak gerus vir:

Walter Plotz 083 487 7497 of

Ryan Bezuidenhout 082 464 6310

### MILDE HANDE

Milde Hande vergader Dinsdag om 14:00 by Goedehoopstr. 11b, vir beplanning vir ons brei, hekel, ens. Ons benodig elkeen se insette, liewe vriendinne. Kontak Annetjie by 082 764 4826 of 079 307 7337. Welkom!

### OOSDOPPERTJIE ANTWOORDE

Die kinders was: Abel, Dawid, Jesus, Josef, Josia, Kain en Samuel.

- Jesus moet hulle seën en vir hulle bid.
- Ons ouers moet altyd vir ons van die Here leer: wanneer ons tuis is, of op reis, slaaptyd en opstaantyd.

### HULP GEVRA: SUID-SUDAN

Ek neem die vrymoedigheid om namens die deputate vir ekumeniese sake die verslegtende toestand van ons medegelowiges in Suid-Soedan onder u aandag te bring. Die burgeroorlog daar stuur op 'n groter wordende ramp af wat derduisende mense haweloos en sonder kos laat. Ek het van ds. Patrick Jok van die *Sudanese Reformed Churches*, met wie ons ekumeniese eenheid het, die volgende verneem:

*"Things are getting more difficult as situation continues to worsen everyday in South Sudan. Our Reformed brethren in Malakal, Bor, Bentiu and Juba are hardly getting food in camps. Thus in consultation with South Sudan Council of Churches (SSCC) we are making relief appeal to Reformed Churches of South Africa. SSCC is a national council that brings members churches to stand together at difficult time.*

*Therefore, we would like to appeal to you if you kindly us assist at this difficult situation that we are in South Sudan. Above all we need your prayers that we keep us strong in our Reformed faith."*

Baie van die lidmate woon tans in VN-vlugtelingskampe onder haglike omstandighede. Die finansiële hulp wat ons in 2014 kon verleen, het 'n verskil gemaak, maar is lankal uitgeput. Ons vra vir u ernstige voorbidding en ondersteuning! Diegene wat graag 'n bydrae wil maak, kan my kontak vir die rekeningbesonderhede van die rekening by die Admin Buro.

Groete, Ds. Malan van Rhyn

### BEROEPENUUS

### BEROEPE AANVAAR

Proponent J Dunn (Johan) na Keetmanshoop/Mariental-kombinasie.



# **SUSTERS IN DIE GELOOF**

**"DIE VREUGDE VAN 'n LEWENDE GELOOF"**



## **TEESKINKGELEENTHEID**

Tee word **vandag** onder die leiding van Wilma Viviers (Groep 11), Kinnie Yssel (Groep 12) en Maryna vd Walt (Groep 13).

**Volgende week** skink Anelle Venter (Groep 14), Marinda Riekert (Groep 15) en Chanelle v As (Groep 16) tee. *Baie dankie julle!*

- *Baie dankie aan die groepsusters en hulle groepe se susters en broers wat met die skink en opwas help!*
- *Ons moedig susters en broers aan om met die skink en opwas te kom help – so leer ons mekaar en ons nuwe groepe beter ken!*

## **VERGADERINGS HIERDIE MAAND:**

**Sustersbestuur vergader:** Dinsdag, 24 Januarie, om 18:00 by Rieëtte se huis.  
(Rocherstr 77)

**Groepsusters vergader:** Dinsdag, 31 Januarie, om 18:00 by die Skuur  
Met hierdie vergaderings begin ons met die jaar se beplanning en sal ons dit baie waardeer as julle almal jul bes probeer om dit by te woon.



## **SUSTERSBYDRAE**

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsameling geleenthede geïn word. Hierdie geld word gebruik om na minderbevoordeeltes uit te reik en daar word jaarliks aan verskillende verdienstelike instansies, donasies gegee.

## **BLIKKIES-WARMHARTE**

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. Baie dankie aan almal wat so getrou vir ons die vol blikkies bring.



## **BANKBESONDERHEDE VIR SUSTERS SE INBETALINGS**

Susters, let daarop dat die Susters 'n aparte bankrekening het vir al hul bydraes, nagmaaletes se inbetalings, ens. Die rekeningbesonderhede is:  
Potchefstroom-Oos Susters  
Capitec Bank, Tjekrekening: 145 652 5695, Takkode: 470 010



# OOSDOPPERTJIES

Matt. 19:14: "Laat staan die kindertjies en moet hulle nie verhinder om na My toe te kom nie, want die koninkryk van die hemel is huis vir mense soos hulle."

Maats, vandag kruip hier 7 name van kinders in die Bybel weg - kyk of jy hulle kry en merk hulle.

J	V	D	A	W	I	D
O	K	Z	R	J	F	P
S	A	M	U	E	L	A
I	I	T	S	S	T	B
A	N	O	Z	U	W	E
W	J	K	L	S	V	L

Watter twee dinge wou die mense hê moes Jesus vir die kindertjies doen?  
(Mat. 19: 13-15)

---

Die Here het die ouers beveel om sy woorde vir hulle kinders te leer toe Moses by Sinaï die Wet gekry het. Wanneer moes hulle dit doen? (Deut. 6:7)

---

## DANKIE AAN ONS BORG VAN DIE WEEK!

**HUIZEMARK•  
EIENDOMSAGENTSKAP**

**ONS HET VOORDUREND POSTE BESIKIBAAR  
VIR AGENTE EN BEMARKERS**

**ONS DOEN :**  
Verkope & Verhurings

\* Huise, \* Woonstelle,  
\* Meenthuse,  
\* Besigheidspersele,  
\* Plase, \* Plotte

**VIR ALLE  
EIENDOMSBEHOEFTES  
SKAKEL**

**Rolene vd Walt**  
082 859 6209

**Linda Nolte**  
082 785 3951